



Aðildarfélög KSÍ  
b.t. formanna/framkvæmdastjóra

Reykjavík, 23. desember 2025

## Reglugerð um knattspyrnumót

Ágætu félagar.

Á fundum stjórnar KSÍ 12. desember sl. og 20. desember sl. voru samþykktar breytingar á reglugerð KSÍ um knattspyrnumót. Ekki er um að ræða verulegar efnisbreytingar í reglugerð en þó hafa tiltekin bráðabirgðaákvæði sem varða Íslandsmót í 2. flokki kvenna og í 3. flokki karla og kvenna verið samþykkt varanlega inn í reglugerðina. Þá hefur bráðabirgðaákvæði um lotukerfi í Íslandsmóti 2. flokks karla verið endurnýjað fyrir árið 2025. Að öðru leyti snúa breytingar að mestu að lagfæringu og auknum skýrleika í orðalagi.

Eftirfarandi er yfirlit yfir breytingar á texta í reglugerðum:

Það sem samþykkt hefur verið að falli inn í reglugerð er **rauðmerkt**.

Það sem samþykkt hefur verið að fella út úr reglugerð er **yfirstrikað**.

## REGLUGERÐ KSÍ um knattspyrnumót

### 10. grein - Búnaður leikmanna

10.5 Félögum (vallaryfirvöldum) skal heimilt að setja bann við notkun á grasskóm á grasvöllum sínum í landsmótum allra flokka nema meistaraflokks. Heimalið (vallaryfirvöld) skal tilkynna gestaliði við komu á leikstað hvort það hyggist notfæra sér þessa heimild og upplýsa jafnframt dómara um það. ~~Grasskór eru allir takkaskór sem hafa skrúfaða takka.~~

### 16. grein – Úrslitakeppnir

16.3 Mótanefnd getur heimilað félögum á einstökum landssvæðum að senda úrvalslíð í úrslitakeppni einstakra móta. Umsókn frá hlutaðeigandi félögum skulu berast mótanefnd KSÍ fyrir 1. júlí.

### 18. grein – Knattspyrnuvellir

18.2 Félög skulu tilkynna KSÍ um stærð og gerð leikvallar sem **hvert félagið hyggst leika á eigi síðar en 10. nóvember fyrir 10. janúar** ár hvert **fyrir komandi keppnistímabil** og jafnframt leikvallar til vara verði aðalleikvöllur óleikfær. **Félag í Utandeild karla og í 2. deild kvenna skal tilkynna um stærð og gerð leikvallar sem hvert félag hyggst leika á eigi síðar en 5. janúar ár hvert fyrir komandi keppnistímabil og jafnframt leikvallar til vara verði aðalleikvöllur óleikfær.** Uppfylli leikvöllur félags ekki kröfur um lágmarksstærð skal umsókn þess um þátttöku í mótum á vegum KSÍ hafnað. KSÍ skal gera grein fyrir leikvöllum félaganna á heimasíðu KSÍ undir félagatali.

### 19. grein - Dómaramál

19.3 Heimalið skal tilnefna og vera ábyrgt fyrir dómara í leikjum í eftirfarandi flokkum og mótum:  
a. landsmótum yngri flokka (deildum og riðlum) [en ekki í A og B deild 2. flokks karla og kvenna]

- b. bikarkeppni yngri flokka, [en ekki í bikarkeppni 2. flokks karla og kvenna frá 8 liða úrslitum], og
- c. keppni eldri flokka (riðlakeppni).

Heimalið skal tilnefna og vera ábyrgt fyrir aðstoðardómurum í leikjum í eftirfarandi flokkum og mótum:

- a. Utandeild karla og í riðlakeppni 5. deildar karla
- b. Íslandsmóti 2. flokks karla og kvenna, að frátalinni keppni í A deild A liða, ~~og í bikarkeppni 2. flokks,~~
- c. **Bikarkeppni 2. flokks karla og kvenna**
- d. keppni eldri flokka (riðlakeppni), og
- e. í öðrum leikjum

Heimalið getur tilnefnt aðstoðardómara á leiki í keppni 11 manna liða þó þess sé ekki krafist.

- 19.5 Hafi dómari eða aðstoðardómarar með tilskilin réttindi ekki mætt til leiks innan 30 mínútna frá því að hann átti að hefjast, skal leik frestað og settur á að nýju á heimavelli aðkomuliðs. Þessi regla á við þegar heimalið ber ábyrgð á mætingu dómara og aðstoðardómara. Sömu tímamörk gilda einnig þegar KSÍ ber ábyrgð á dómara og/eða aðstoðardómurum. Skal í slíkum tilfellum setja leikinn á að nýju á sama velli og áður. Greiðir KSÍ þá allan kostnað vegna dómara og/eða aðstoðardómara, svo og ferðakostnað aðkomuliðs. Í 2. deild kvenna, 3. deild karla, 4. deild karla og 5. deild karla skal leikur þó fara fram þrátt fyrir að aðstoðardómarar tilnefndir af KSÍ mæti ekki til leiks og skal þá leikið án aðstoðardómara eða með aðstoðardómurum tilnefndum af heimaliði skv. ákvörðun dómarans. Í Utandeild karla skal leikur fara fram þó aðstoðardómarar tilnefndir af heimaliði mæti ekki til leiks.
- 19.7 Af hverjum leik sem fram fer í efstu-, 1.-, 2.-, 3.- 4., 5. og Utandeild karla og efstu-. 1.- og 2. deild kvenna skal heimaliðið greiða ákveðið gjald til að standa undir ferða- og upphaldskostnaði dómara og aðstoðardómara vegna leikja í viðkomandi deild. KSÍ ákveður upphæð þessa gjalds í ofangreindum deildum og greiðslur til dómara vegna upphaldskostnaðar og aksturs eigin bifreiða. Verði afgangur af gjaldinu skal hann endurgreiddur liðum viðkomandi deildar. Nægi gjaldið hins vegar ekki fyrir öllum kostnaði, skulu lið viðkomandi deildar greiða það sem á vantar. Í keppni A og B deildar Íslandsmóts 2. flokks karla og kvenna skal heimalið greiða gjald eins og að ofan greinir fyrir dómara og aðstoðardómara eins og við á.

## 23. grein - Meistaraflokkur karla

### 23.2 Bikarkeppni KSÍ

~~23.2.4 Draga skal um hvaða lið mætast og skal það lið sem dregið er á undan leika á heimavelli sbr. þó gr. 23.2.6. Keppnin skal vera tvískipt:~~

- a. ~~Undankeppni~~
- b. ~~Aðalkeppni~~

**23.2.4 Keppni skal vera tvískipt, undankeppni og aðalkeppni. Aðalkeppni hefst með 32 liða úrslitum þegar lið í efstu deild karla hefja þátttöku. Draga skal um hvað lið mætast og skal það lið sem dregið er á undan leika á heimavelli.**

23.2.5 Í undankeppni taka þátt öll lið nema þau, sem taka þátt í efstu deild. ~~Svæðakeppni~~ **Skal viðhöfð í undankeppninni og keppni liðanna** hagað svo að 20 lið komist áfram í aðalkeppnina. ~~Skal undankeppni lokið fyrir miðjan júní.~~ **Við niðurröðun leikja í undankeppni er mótanefnd heimilt að taka tillit til styrkleika liða, landsvæða og ferðakostnaðar. Í undankeppni er félagi, sem á heimaleik, heimilt með samþykki andstæðings að færa leik á heimavöll andstæðings.**

23.2.6 Aðalkeppnin (32-liða úrslit) skal hefjast ~~eftir~~ **um** miðjan apríl og hefja þá liðin sem leika í efstu deild þátttöku. Mótanefnd skal jafnframt heimilt í vissum tilfellum að ákveða að leikur fari fram á hlutlausum velli ef rökstudd ósk þess efnis berst frá báðum aðilum sökum fjarlægðar eða annarra ástæðna.

## 24. grein - 2. flokkur karla

Ákvæði til bráðabirgða fyrir keppnistímabilið 2025.

24.3. Íslandsmót A-liða

24.3.1. Í 2. flokki skal keppni A-liða keppnistímabilið 2025 fara eftir ákvæði þessu.

- 24.3.2. Liðum skal raðað niður í tíu liða riðla eftir getu en þó ræðst fjöldi liða í hverjum riðli af fjölda skráðra liða. Í öllum riðlum skal leikin einföld umferð skv. töfluröð í grein 20 og ræðst númer liða í töfluröð af árangri. Mótanefnd KSÍ er þó heimilt að ákveða breytt leikjafyrirkomulag í einstaka riðlum ef þurfa þykir að mati nefndarinnar, til að mynda a.t.t. fjölda liða í umræddum riðli / riðlum.
- 24.3.3. Íslandsmót A-liða skal leikið í þremur lotum með eftirfarandi hætti:
- Lota 1; skal leikin frá mars til maí mánaðar.
  - Lota 2; skal leikin frá maí til júlí
  - Lota 3; skal leikin frá ágúst til október.
- Miðað skal við að tvö neðstu liðin í hverjum riðli í hverri lotu, að neðsta riðlinum undanskildum, færast niður um riðil fyrir næstu lotu og tvö efstu liðin í hverjum riðil í hverri lotu, að efsta riðlinum undanskildum, færast upp um riðil. Eftir að keppni er í lokið í lotu 3 skal sigurvegari í efsta riðli krýndur Íslandsmeistari.
- 24.3.3. Nánar fer um mótafyrirkomulag eftir ákvörðun mótanefndar.

## 25. grein - 3. flokkur karla

### 25.1 Íslandsmót A-liða - 11 manna lið

- 25.1.1 Liðum skal raðað niður í átta liða riðla eftir getu en þó ræðst fjöldi liða í hverjum riðli af fjölda skráðra liða. Í öllum riðlum skal leikin einföld umferð skv. töfluröð í grein 20 og ræðst númer liða í töfluröð af árangri. Mótanefnd KSÍ er þó heimilt að ákveða breytt leikjafyrirkomulag í einstaka riðlum ef þurfa þykir að mati nefndarinnar, til að mynda a.t.t. til fjölda liða í umræddum riðli / riðlum.
- 25.1.2 Íslandsmót A-liða skal leikið í þremur lotum með eftirfarandi hætti:
- Lota 1; skal leikin frá mars til maí mánaðar.
  - Lota 2; skal leikin frá maí til júlí
  - Lota 3; skal leikin frá ágúst til september.
- Miðað skal við að tvö neðstu liðin í hverjum riðli í hverri lotu, að neðsta riðlinum undanskildum, færast niður um riðil fyrir næstu lotu og tvö efstu liðin í hverjum riðil í hverri lotu, að efsta riðlinum undanskildum, færast upp um riðil. Eftir að keppni er í lokið í lotu 3 skal sigurvegari í efsta riðli krýndur Íslandsmeistari.
- 25.1.3 Nánar fer um mótafyrirkomulag eftir ákvörðun mótanefndar.
- 25.1.4 Mótanefnd er heimilt að veita félagi undanþágu til að skrá lið til keppni með eftirfarandi hætti:
- Félag sem skráir eitt lið til keppni getur óskað eftir að það leiki sem B lið.
  - Félag sem skráir tvö lið til keppni getur óskað eftir að lið 2 leiki sem C lið.
- Með umsókn um undanþágu þarf að fylgja rökstuðningur sem m.a. tekur mið af þátttöku og árangri í undangengnum mótum, fjölda iðkenda o.s.frv. Rökstuðningur skal fylgja þátttökutilkynningu.
- ~~25.1.1 Liðum skal skipt í deildir eftir getu. A deild skal skipuð 8 liðum, B deild 8 liðum og C deild skal skipuð þeim félögum sem ekki eiga lið í A eða B deild. Heimilt er að skipta C deild í tvo eða þrjú hópa ef þurfa þykir. Einnig er mótanefnd heimilt að skipta C deild í hópa eftir landshlutum telji hún ástæðu til.~~
- ~~25.1.2 Þau tvö lið, sem verða neðst í A deild falla næsta keppnisár niður í B deild, en tvö efstu liðin í B deild taka sæti þeirra í A deild. Þau tvö lið, sem verða neðst í B deild falla næsta keppnisár niður í C deild. Tvö efstu liðin í C deild skulu flytjast í B deild næsta keppnisár. Ef C deild er skipt í hópa skal mótanefnd ákveða fyrirkomulag úrslitakeppni C deildar sem ákvarði hvaða félag flytjist í B deild og hvaða félag teljist sigurvegari C deildar.~~
- ~~25.1.3 Í öllum deildum skal leikin tvöföld umferð og leikur hvert lið tvo leiki gegn hverju hinna liðanna, heima og heiman. Þó er mótanefnd heimilt að gera undantekningu varðandi C deild. Keppnin er stigakeppni.~~
- ~~25.1.4 Eftir deildarkeppni skal fara fram úrslitakeppni um Íslandsmeistaratitilinn. Í úrslitakeppninni skulu leika sigurvegarar A, B og C deild og lið í öðru sæti A deildar. Leikið er með útsláttarfyrirkomulagi. Í undanúrslitum leikur A1 gegn C1 og A2 gegn B1. Síðan skal fara fram úrslitaleikur. Deildakeppni skal fara fram á tímabilinu maí til ágúst og úrslitakeppni í september.~~

### 25.2 Íslandsmót B og C liða - 11 manna lið

25.2.1 Um mótafyrirkomulag í keppni B og C liða fer eftir ákvörðun mótanefndar KSÍ.

25.2.2 Mótanefnd er heimilt að veita félagi, sem skráir tvö lið til keppni, undanþágu til að lið 2 leiki sem C lið. Með umsókn um undanþágu þarf að fylgja rökstuðningur sem m.a. tekur mið af

þátttöku og árangri í undangengnum mótum, fjölda iðkenda o.s.frv. Rökstuðningur skal fylgja þáttökutilkynningu.

- 25.2.3 Lið sem veitt hefur verið undanþága til að leika sem C lið, sbr. ákvæði 25.2.2, er óheimilt að taka þátt í úrslitakeppni Íslandsmóts.
- 25.2.4 Einnig skal vera sjálfstæð keppni meðal 3. aldursflokks B liða er ber nafnið 3. flokkur B. Leitast skal við að B liðin leiki við sömu andstæðinga og A liðin. Útkoma liða í 3. flokki B hefur engin áhrif á 3. flokk A. Leikmenn sem leikið hafa í A-liði í eldri aldursflokki eru óhlutgengir.
- 25.2.5 Einnig skal vera sjálfstæð keppni meðal 3. aldursflokks C liða er ber nafnið 3. flokkur C. Leitast skal við að C liðin leiki við sömu andstæðinga og A liðin. Útkoma liða í 3. flokki C hefur engin áhrif á 3. flokk B.

### 28.3 Íslandsmót 60 ára og eldri

- 28.3.1 Hlutgengir til þátttöku eru leikmenn sem verða 60 ára á almanaksárinu og eldri.
- 28.3.2 Leikreglur skulu fylgja knattspyrnulögunum og reglugerð KSÍ um knattspyrnumót nema annað sé tekið fram í reglugerð KSÍ um knattspyrnu í 7- og 8 manna liðum.
- 28.3.3 Mótanefnd skal ákveða fyrirkomulag mótsins þegar þátttaka liggur fyrir.

## 29. grein - Meistaraflokkur kvenna

- 29.2.4 Keppni skal vera tvískipt, undankeppni og aðalkeppni. ~~Í undankeppni taka þátt öll lið nema þau, sem taka þátt í efstu deild. Aðalkeppni hefst með 16 liða úrslitum þegar lið í efstu deild kvenna hefja þátttöku. Draga skal um hvað lið mætast og skal það lið sem dregið er á undan leika á heimavelli. Við niðurröðun leikja í undankeppni er mótanefnd heimilt að taka tillit til styrkleika liða, landsvæða og ferðakostnaðar.~~
- 29.2.5 Í undankeppni taka þátt öll lið nema þau, sem taka þátt í efstu deild. Skal undankeppni hagað svo að 6 lið komist áfram í aðalkeppnina. Við niðurröðun leikja í undankeppni er mótanefnd heimilt að taka tillit til styrkleika liða, landsvæða og ferðakostnaðar. Í undankeppni er félagi, sem á heimaleik, heimilt með samþykki andstæðings að færa leik á heimavöll andstæðings.
- 29.2.6 Aðalkeppnin (16-liða úrslit) skal hefjast um miðjan maí og hefja þá liðin sem leika í efstu deild þátttöku. Mótanefnd skal jafnframt heimilt í vissum tilfellum að ákveða að leikur fari fram á hlutlausum velli ef rökstudd ósk þess efnis berst frá báðum aðilum sökum fjarlægðar eða annarra ástæðna.

## 30. grein - 2. flokkur kvenna

### 11 MANNA LIÐ

Aldur: 20 ára á almanaksárinu og yngri.

Heimilt er að hafa fjóra eldri leikmenn í hverjum leik í 2. aldursflokki kvenna, sem hófu ekki leik með meistaraflokki félagsins í næsta leik á undan.

Leiktími: 90 mín. (2 x 45 mín.)

Leikhlé: 10 mín.

Framlenging: 30 mín. (2 x 15 mín.)

Leikmannaskipti: Heimilt er að skipta öllum varamönnum inn á í hverjum leik með þeirri takmörkun að hverju liði er aðeins heimilt að nota að hámarki þrjár leikstöðvanir til leikmannaskipta í síðari hálfleik. Þegar um framlengingu er að ræða er hverju liði heimilt að nota eina leikstöðvun til viðbótar til leikmannaskipta en einnig má nýta hlé fyrir upphaf framlengingar og hálfleik framlengingar til leikmannaskipta.

Stærð knattar: 5.

## 31. grein - 3. flokkur kvenna

~~Þrátt fyrir ákvæði 31.1 fer um keppni A liða keppnistímabilið 2024 eftir bráðabirgðaákvæði 31.4.~~

### 31.1 Íslandsmót A liða - 11 manna lið

- 31.1.1 Liðum skal raðað niður í átta liða riðla eftir getu en þó ræðst fjöldi liða í hverjum riðli af fjölda skráðra liða. Í öllum riðlum skal leikin einföld umferð skv. töfluröð í grein 20 og ræðst númer liða í töfluröð af árangri. Mótanefnd KSÍ er þó heimilt að ákveða breytt leikjafyrirkomulag í

einstaka riðlum ef þurfa þykir að mati nefndarinnar, til að mynda a.t.t. til fjölda liða í umræddum riðli / riðlum.

31.1.2 Íslandsmót A-liða skal leikið í þremur lotum með eftirfarandi hætti:

- a) Lota 1; skal leikin frá mars til maí mánaðar.
- b) Lota 2; skal leikin frá maí til júlí
- c) Lota 3; skal leikin frá ágúst til september.

Miðað skal við að tvö neðstu liðin í hverjum riðli í hverri lotu, að neðsta riðlinum undanskildum, færist niður um riðil fyrir næstu lotu og tvö efstu liðin í hverjum riðil í hverri lotu, að efsta riðlinum undanskildum, færist upp um riðil. Eftir að keppni er í lokið í lotu 3 skal sigurvegari í efsta riðli krýndur Íslandsmeistari.

31.1.3 Nánar fer um mótafyrirkomulag eftir ákvörðun mótanefndar.

31.1.4 Mótanefnd er heimilt að veita félagi undanþágu til að skrá lið til keppni með eftirfarandi hætti:

- a) Félag sem skráir eitt lið til keppni getur óskað eftir að það leiki sem B lið.

Með umsókn um undanþágu þarf að fylgja rökstuðningur sem m.a. tekur mið af þátttöku og árangri í undangengnum mótum, fjölda iðkenda o.s.frv. Rökstuðningur skal fylgja þáttökutilkynningu.

~~31.1.1 Liðum skal skipt í deildir eftir getu. A deild skal skipuð allt að 8 liðum og B deild skal skipuð þeim liðum sem ekki eru í A deild. Heimilt er að skipta B deild í hópa, t.d. eftir landshlutum.~~

~~31.1.2 Þau tvö lið, sem verða neðst í A deild falla næsta leikár niður í B deild, en tvö efstu liðin í B deild taka sæti þeirra í A deild. Ef B deild er skipt í hópa skal mótanefnd ákveða fyrirkomulag úrslitakeppni B deildar sem ákvarði hvaða félög flytjist í A deild og hvaða félag teljist sigurvegari í B deild.~~

~~31.1.3 Í öllum deildum skal leikin a.m.k. tvöföld umferð. Þó er mótanefnd heimilt að gera undantekningu varðandi B deild. Keppnin er stigakeppni.~~

~~31.1.4 Eftir deildakeppni skal fara fram úrslitakeppni fjögurra liða um Íslandsmeistaratitilinn skv. ákvörðun mótanefndar. Keppnin skal hefjast í maílok og ljúka í byrjun september.~~

## 31.2 Íslandsmót B liða – 11 manna lið

31.2.1 Um mótafyrirkomulag í keppni B liða fer eftir ákvörðun mótanefndar KSÍ.

31.2.2 ~~Einnig skal vera~~ Sjálfstæð keppni skal vera í 3. aldursflokki B liða sem ber nafnið 3. flokkur B. Leitast skal við að B liðin leiki við sömu andstæðinga og A liðin. Útkoma liða í 3. flokki B hefur engin áhrif á 3. flokk A. Leikmenn sem leikið hafa í A liði í eldri aldursflokki eru óhlutgengir.

### 32. grein - 4. flokkur kvenna

32.1.3 Mótanefnd er heimilt að veita félagi undanþágu til að skrá til keppni með eftirfarandi hætti:

- a) Félag sem skráir eitt lið til keppni getur óskað eftir að það leiki sem B lið á sama svæði.
- b) Félag sem skráir tvö lið til keppni getur óskað eftir að lið 2 leiki sem C lið á sama svæði.**

Með umsókn um undanþágu þarf að fylgja rökstuðningur sem m.a. tekur mið af þátttöku og árangri í undangengnum mótum, fjölda iðkenda o.s.frv. Rökstuðningur skal fylgja þáttökutilkynningu.

32.1.4 Lið sem veitt hefur verið undanþága til að leika sem B ~~eða~~ C lið, sbr. ákvæði 32.1.3, er óheimilt að taka þátt í úrslitakeppni Íslandsmóts.

### 37. grein - Sektir

37.5 Lið, sem dregur sig út úr móti fyrir 40.1. apríl, skal sæta sekt að upphæð kr. 25.000 í meistaraflokki og kr. 15.000 í öðrum flokkum. Frá og með 40.1. apríl og þar til keppni hefst eru sambærilegar sektir kr. 80.000 í meistaraflokki og kr. 35.000 í öðrum flokkum.

---

### Greinargerð

Um ræðir breytingartillögur unnar af laga- og leikreglanefnd KSÍ að beiðni mótanefndar KSÍ. Líkt og fram hefur komið er ekki um að ræða verulegar efnisbreytingar í reglugerð en þó hafa tiltekin bráðabirgðaákvæði sem varða Íslandsmót í 2. flokki kvenna og 3. flokki karla og kvenna verið samþykkt varanlega inn í reglugerðina. Þá hefur bráðabirgðaákvæði um lotukerfi í Íslandsmóti 2. flokks karla verið endurnýjað fyrir árið 2025.

Nefna má að fáeinar breytingar hafa verið gerðar til að samræma ákvæði við það hvenær þátttökutilkynningu ber að skila inn til KSÍ. Þá gera breytingar ráð fyrir því í undankeppni í Bikarkeppni KSÍ karla og kvenna að félagi, sem á heimaleik, sé heimilt með samþykki andstæðings að færa leik á heimavöll andstæðings. Að öðru leyti snúa breytingar að mestu að lagfæringu og auknum skýrleika í orðalagi.

---

Ef frekari upplýsinga er óskað þá vinsamlegast hafið samband við undirritaðan.

Haukur Hinriksson

Haukur Hinriksson,  
yfirlögfræðingur hjá KSÍ